



## Najukkani umiarsualivinni oqartussanut ingerlasunut

Sikuki Nuuk Harbour A/S  
Royal Arctic Line A/S  
Mittarfeqarfiit  
KNI Pilersuisoq  
KNI Polaroil

## Umiarsualivinni oqartussat Coronavirus (COVID-19) pillugu pitsaaliuniarnerat

Europami nunani amerlasuuni coronavirus (COVID-19) tunillaatilertorsimasoq paasineqarpoq, Danmarkimilu tunillanneqarsimasut arlallit paasineqarlutik. Kalaallit Nunaannut siammaassinnaanera ilimanarsinnaavoq.

Tamanna tunngavigalugu nunatta umiarsualiviisa Kalaallit Nunaannut isaaviunerat pissutigalugu, umiarsuit Kalaallit Nunaannut angallannerisigut tunillaassuisinnaanerlu kigaallatsinniarlugu sillimaniarnerit immikkut ittut pilersittariaqalerpaat. .

Najukkani umiarsualivinni oqartussat ulloq maannamit atuutilersumit umiarsuarmit makkunanga nunat assigiinngitsut akornanni angallattunit umiarsuit aqqusaarnerini **TAMANI** "Maritime Declaration of Health" akuerisassanngorlugu tunniu**TEQQUSASSAVAAT**:

- Atlantikoq ikaarlugu pajuttaatit
- Umiarsuit takornariartaatit
- Nunat allamiut aalisariutaataat
- Sakkutuut umiarsuaataat
- Angallatit nuannaariartaatit inuup nammineq pigisai

Umiarsuit allat ikaartaatillu nunami allami umiarsualivimmut aqqusaarsimasut, nunami allami umiarsualivimmit kingullermit aallarnermit ullut 14 tikillugit imaluunniit ullut 14 kingullit ingerlanerini umiarsuup ilaasuisa inuttaasaluunniit akornanni napparsimasoqarsimappat umiarsualivimmut aqqusaarnerini **TAMANI** "Maritime Declaration of Health"-imik tunniu**SSEQQUNEQARTASSAPPUT** akuerisassanngortillugu.

Nassuiaammi umiarsuup naalagaata nalunaarutigissavaa umiarsuarmi nappaatinik tunillannartoqanngitsaq. Nassuiaat sivilunerpaamik nalunaaquttap akunnerinik 24-nik pisoqaassuseqassaaq.

Kalaallit Nunaanni tunillatsissimanermik pasitsaassisoqassagalarpat Nappaatit Tuniluuttut pillugit Ataatsimiititaliarsuup pisut isumagissavai upalungaarsimanerillu ataqatigiissaassallugit.

**"Maritime Declaration of Health" umiarsuarmi coronaviruseqarneranik pasitsatsissagalarpat umiarsualivimmi oqartussat erniinnartumik Kalaallit Nunaata Poliivi oqarasuaatikkut attavigissavaat**, taakku Nappaatit Tuniluuttut pillugit Ataatsimiititaliarsuaq siulittaasuuffigamikku. Tassanngaanniit qitiusumik umiarsualivinnut oqartussat ilisimatinneqassapput.

10-03-2020  
Suliap nr.: 2020 - 4522  
Id. nr. 51094515

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

Umiarsualivimmut aqqusaarnerit tamaasa "Maritime Declaration of Health"-ip suliarineqarnissaanut pissutaavoq piffissaq nappaatip malunniuttarfia tassaammat ullut 2-14. Assersuutigalugu ilaasoq inuttarluunniit aallarnej sioqqullugu tunillanneqarsimasinnaavoq aatsaallu soorlu ullut 10 qaangiunnerini malunnaateqalerluni.

Kalaallit oqartussaasuisa innersuussutaat ukunatigut malinnaavigineqarsinnaapput:

[www.nun.gl/Emner/Borgere/Coronavirus?sc\\_lang=da](http://www.nun.gl/Emner/Borgere/Coronavirus?sc_lang=da)  
[www.nun.gl/Emner/Borgere/Coronavirus?sc\\_lang=kl-GL](http://www.nun.gl/Emner/Borgere/Coronavirus?sc_lang=kl-GL)

### **Attavissat**

Nappaatit Tuniluuttut pillugit Ataatsimiititaliarsuaq, Kalaallit Nunaanni Politiit  
Oqa.: +299 70 14 48

Qitiusumik Umiarsualivinnut Oqartussat, Ineqarnermut Attaveqaqatigiinnermullu  
Naalackersuisoqarfik  
Oqa.: +299 34 69 69, [box909@nanoq.gl](mailto:box909@nanoq.gl)

Inussiarnersumik inuulluaqqusillunga

Mads Nyhus Kirk  
Qitiusumik Umiarsualivinnut Oqartussat  
Ineqarnermut Attaveqaqatigiinnermullu Naalackersuisoqarfik